

03 放學了後的臭豆腐

柯達紳

會記得唸讀高中的時，上課擺愛上到下晡五點。放學了後，因為愛複習、寫功課，阮定定幾個朋友招招咧同齊去附近的圖書館做伙讀冊。圖書館的後壁是一間土地公廟，廟邊的樹仔跤會有一寡仔生理人咧排擔賣豆花、雞翼、管仔粿……種種的點心，彼个所在嘛變做阮食暗頓的好選擇。

欲暗仔，日頭的光線照佇車路頂——金爍爍，其中有一擔賣臭豆腐的，規條街仔擺鼻會著伊的芳味。見擺若看著，人客擺排甲軀軀長，阮綴个的跤步趕緊來排隊。踎學校讀規工的冊，揣著位了後，阮總算是會當放予輕鬆，坐落來好好仔開講。無佬久頭家就共臭豆腐送來阮的面頭前，彼个味是芳貞，腹肚枵甲擋袂牢，箸擗起來隨夾一塊因落喙內。

豆腐食著韌袂感覺油，愈食愈有味，紙盒仔內底閣有一寡仔泡菜恰仔咩。瓜仔咩咩落去是甜甜閣真脆喙，泡菜的滋味是酸甜仔酸甜，酸若親像高中彼當陣一直有袂曉算的數學、讀袂了的冊，逐工恰功課走相逐；甜是因為就算生活佇咧冊堆當中，身軀邊閣有一陣朋友來陪伴共你照顧，閣有頭家親切的招呼，一塊細細塊的臭豆腐煞食會

著深深的人情味，自彼當時，我恰朋友就變做遐的老顧客。臭豆腐恰圖書館嘛變做阮高中三年無法度放揀的記持。

大學了後，逐家出外讀冊，擺有家己的工課愛處理，干焦會當佇歇熱、歇寒的時見一面，見擺若食臭豆腐，高中彼當時鬥陣的畫面就親像一張閣一張的相片，沓沓仔對頭殼浮出來。雖然阮有當時仔會因為小可仔代誌來冤家，毋過就算是無歡喜，猶是共對方因佇心肝內上重要的所在。有个的幫贊恰扶持，我才會當佇彼段霧霧的日子走揣著家己。

講到遮，對个的思念嘛親像咧食臭豆腐的時，味是愈哺愈芳，喙內的思念變做磕袂著的所在，干焦向望這馬無生活鬥陣的个會當快樂，後擺閣見面的時才共思念勻勻仔對个講出喙。